

PAHAYAGAN NG PARTIDO KOMUNISTA NG PILIPINAS  
PINAPATNUBAYAN NG  
MARXISMO-LENINISMO-MAOISMO

# ANG Bayan

Espesyal nga isyu

Edisyong Hiligaynon

Disyembre 26, 1999


## Tamyawon ang ika-21 kag bag-o nga milenyo nga may ara nga desisyon nga pasingkion ang rebolusyon

Armando Liwanag  
Tagapangulo,  
Partido Komunista ng Pilipinas  
Disyembre 26, 1999

**S**amtang ginasaulog naton ang ika-31 nga anibersaryo sang liwat nga kalig-on nga Partido Komunista ng Pilipinas sa idalum sang teoretikal nga ubay sang Marxismo-Leninismo-Maoismo, ginatamyaw naton ang ika-21 siglo kag ang bag-o nga milenyo sang ara desisyon nga pasingkion ang demokratiko nga rebolusyon sang banwa sa pagpamuno sang proletaryado.

Determinado kita nga kumpletuhon ang rebolusyonaryo nga paghimakas para sa pungsudnon nga kahilwayan kag demokrasya nga ginsuguran kapin sa isa ka siglo na ang nagligad. Ang aton nga rebolusyonaryo nga mga katigulangan isganan nga nagpamatuk kag nagdaog batuk sa kolonyalismo nga Espanyol nga naghari sa pungsod sa kapin sa tatlo ka siglo. Nagpadayon sila sa pagbato sa pagpanalakay sang imperyalismo nga Amerikano. Sa pagsakdag sa rebolusyonaryo nga palanublion, magapadayon kita sa pagpamatuk sa imperyalismo nga US kag mga papet sini bisan sa sulod sang isa pa nga siglo.

Sa malapad nga sakop sang kasaysayan, ang bag-o nga demokratiko nga rebolusyon nga aton nga ginaabanse paagi sa malawigan nga inaway banwa isa lamang nga malip-ot nga panahon.



DETERMINADO KITA NGA  
KUMPLETUHON ANG REBOLUSYONARYO  
NGA PAGHIMAKAS PARA SA  
PUNGSDUNON NGA KAHILWAYAN KAG  
DEMOKRASYA NGA GINSUGURAN KAPIN  
SA ISA KA SIGLO NA ANG NAGLIGAD.

---

**ANG KRISIS SANG  
PANGKALIBUTANON  
NGA KAPITALISTA  
NGA SISTEMA KAG  
ANG BAG-O NGA  
KAGAMO NGA  
PANGKALIBUTAN  
LABI NGA  
NAGAGRABE. ANG  
PUMULUYO WALA  
SANG IBAN NGA  
MABALINGAN KUNDI  
ANG ARMADO NGA  
REBOLUSYON.**

---

paghimakas sang proletaryado kag pigos nga pumuluyo sang kalibutan. Kag determinado kita nga padayon nga mag-amot sa abot sang aton nga masarangan para sa liwat nga pagpagsik kag pag-abanse sang pangkalibutanon nga proletaryo nga rebolusyon batuk sa imperyalismo kag tanan nga reaksyon.

Sa dekada nga magaligad, ang mga imperyalista kag tanan nga mga reaksyunaryo malisyoso nga naghinugyaw sa pagpuwan sang mga rebisyunistang rehimene kag sala nga inilaragway ini bilang katapusang sosyalistang kawsa. Pero kada tuig, ang krisis sang pangkalibutanon nga kapitalista nga sistema kag ang bag-o nga kagamo nga pangkalibutan labi nga nagagrabe. Ang pumuluyo wala sang iban nga mabalingan kundi ang armado nga rebolusyon.

Matuod nga ang rebisyunista nga pagtraidor sa sosyalismo naghataq-libre sa mga imperyalista kag tanan nga mga reaksyunaryo agud pasingkion ang pagpamigos kag pagpanghimulos sa pumuluyo sa idalum sang islogan nga globalisasyong “hilway nga balaligyaan”. Pero ang kasunod sini, ang pag-antos sang pumuluyo nagtuga sang rebolusyonaryo nga pagpamatuk. Nakasiguro kita nga sa maabot nga siglo ang proletaryado kag pigos nga pumuluyo magaangkon sang mas mga dalagku nga kadalag-an sangsa sa siglo nga magaligad.

### I. Pat-ud ang kadalag-an sang sosyalismo batuk sa monopolyong kapitalismo

Pareho sang gintudlo nanday Marx kag Engels sa aton, ang kontradiksyon sa tunga sang sosyal nga kinaiya sang mga pwersa sa produksyon kag sang pribado nga

Apang nakahanda kita nga pagpursighan ini hasta nga kinahanglan ini agud agumon ang lubos nga kadalag-an. Nagasalig kita nga sa sulod sang mga una nga dekada sang ika-21 nga siglo matukod ang demokratiko nga republika nga banwa kag makaabanse sa sosyalistang rebolusyon.

Ang aton nga rebolusyonaryo nga paghimakas kabahin sang pangkalibutanon nga proletaryo nga rebolusyon. Kita nagapulos sa istoriko nga inagihan kag subong nga mga

kinaiya sang apropiyasyon sa idalum sang kapitalismo indi maghilbato. Dugang pa nga tinudlo ni Lenin nga ang kontradiksyon nga ini nagapagrabe kag labi nga nangin mas makahas sa panahon sang imperyalismo. Amo gani, ang magaligad nga siglo naga-kinaiya sang grabe nga mga krisis pang-ekonomiya kag mga gyera nga nangin pinakamakahas sa kasaysayan sang sangkatauhan.

Ang paggamit sang mas mga mataas nga teknolohiya sa mga imperyalistang pungsod nagpasingki sang kontradiksyon sa tunga sang monopolyong burgesya kag sang proletaryado. Sa pagpadaku sang permihan nga kapital para sa kagamitan kag hilaw nga materyales, ginabuhinan sang monopolyong burgesya ang nagabag-o nga kapital sa sweldo agud ubuson ang pagpadaku sang ganansa kag kontrahon ang tendensya sang porsyento sang ganansa nga nahulog sa pagdaku sang produksyon.

Ang resulta sang permi kag labi nga nagagrabe nga krisis sang sobra nga produksyon relatibo sa paggamay sang balaligyaan. Labi nga nagadalum ang krisis sa pagbuhin sang monopolyong burgesya sa gastos sa pagtrabaho paagi sa pagpahalin sang mga mamumugon, nagapanubo sang mga kundisyon sa pasweldo kag dugang nga pagtipon sang produktibo nga kapital kag kapital sa pinansya.

Ang kinaandan nga porsyento sang pagtubo sang tanan nga mga imperyalistang pungsod naga-untat kag pabalud-balod nga nagapaus-os. Ang porsyento sang pagtubo sang US mas mataas sa kinaandan bangud sa pagpanguna sini sa mataas nga teknolohiya, paghaylo sang mga dumuluong nga pagpangkapital sa seguro halin sa Japan kag European Union kag pagkuha sang pinakadaku nga bentaha halin sa pagpanghimulos sa mga atrasado nga pungsod. Ang pinakadaku nga bula sang kapital sa pinansya sa bug-os nga kasaysayan sang kapitalismo pinahabok sang Estados Unidos paagi sa sobra nga tasasyon sa mga ginapanag-iyahan sang monopolyo.

Ang duha pa nga pangkalibutanon nga sentro sang kapitalismo ginapabudlayan sang mas mataas nga lebel sang disemployo. Bunga sini, mas mapagsik ang kahublagan nga welga sang mamumugon sa European Union sangsa sa US. Pero sa Japan, ang monopolyong burgesyang estado nagapadulong sa dalagkuwan nga depisito nga paggastos publiko agud banggion ang isa ka dekada nga resesyon kag punggan ang pag-igrab sang kahublagan nga welga sang mamumugon.

Ang imperyalismo nga US ang nagapanguna nga nagasakdag sang neoliberal nga sa huna-huna nga hilway nga balaligaan agud himuong nga sanggaan ang sahi nga mamumugon kag magastos nga pangkatilingban bilang kabangdanan sang istagnasyon kag implasyon kag magdikta sang liberalisasyon sa baligyaanay kag pagpangcapital, pribatisasyon kag deregulasyon sa tanan nga iban pa nga pungsod. Sa pagkamatuod, ang monopolyong kapitalismo nga estado kag proteksyunismo nagatubo sa lain-lain nga forma kag pamaagi agud pagserbihan ang mga pribadong monopolyong talapuanan sa tanan nga imperyalistang mga pungsod.

Gin-gamit sang monopolyong burgesya ang gahum sang estado agud ipanubo ang sweldo kag angkunon ang mga pangpublikong rekurso. Ang resulta ang madasig nga paghabok sang ginapanag-iyahan sa kamot sang monopolyong burgesya sa imperyalistang mga pungsod. Ang konsentrasyon kag sentralisasyon sang kapital sa imperyalista nga mga pungsod, nagapanguna sa US, napadayan sa wala sang-katupong nga kadasigon nga nagpaatras sa kahimtangan sang iban pa nga mga pungsod sa lebel sang pagpakalimos sang pautang kag ginatulod sila sang nagapadalum nga lebel sang kaimulon kag kabudlayan.

Pagkatapos sang miting sa Seattle sang WTO nagdangat sa kagamo samtang ang mga imperyalistang gahum mismo nagbasol sang pagka proteksyunista kag subong man ang mga kliyenteng pungsod nagbasol sa mga imperyalista nga proteksyunista batuk sa ila. Sa sulod mismo sang tiyan sang sapat, ginapalibutan sang mamumugon nga Amerikano kag pumuluyo sang lain-lain nga nasyunalidad ang WTO kag ginpakamalaut ang mga imperyalista. Ang ila protesta ginpuwersa sang mapintas nga aksyon sang pulisia. Pero ang inaway sa Seattle nagsinyas sang bag-o nga pagdaluyong sang mga protestang masa, nga mahibal-an nga magalupok liwat sa maabot nga sinapol sang IMF-World Bank.

Ara sa pinakapundasyon sang mga pangkalibutanon nga krisis sa ekonomiya kag pinansya sang dekada '90 ang kamatuoran nga tanan nga tipo sang balaklonon kag serbisyo subong ginatuga sang sobra relatibo sa nagakitid nga pangkalibutanon nga balaligaan.

Sa subong sini nga mga kahimtangan, ang kumpetisyon sa tunga sang imperyalistang mga pungsod nagagrabe. Ang pila ka mga ekonomiya nga tipong South Korea, nga ginapabugal nga bag-o nga industriyalizado nga mga pungsod, nadikdik sa kadamuan sang sobra nga produktong industriyal sang ila mga imperyalistang amo. Gani, ang kahublagan nga welga sang mamumugon dramatiko nga umibwal sa sina nga mga lugar.

Ang mga pungsod nga daan nga gintraidoran sang mga rebisyunistang rehimens kag subong lubos nga nakakabit sa kapitalistang sistema nga ginaharian sang US narin tampukan sang sobra nga produkto kag ispekulatibo nga pagpangcapital halin sa Nakatungdan kag nagdaus-dos halin sa isa ka lebel sang tuman kabudlay kag pangkatilingban pakadto sa isa pa. Sa lain-lain nga lebel, sila nangin mga neokolonya sang mga imperyalista, ginaharian sang daku nga burgesyang kumprador kag nagapaus-os sa pangkabilugan nga kundisyon sang ikatlong kalibutan.

Ang Russia subong imperyalistang pungsod kumpara sa mga pigos nga nasyunalidad sa iya dulunan kag palibot. Pero sa ekonomiya, wala ini sang sobra nga ipabugal sa kapitalistang balaligaan maluwas sa langis, nga may sobra nga suplay sa kalibutan. Katulad sang Russia, ang pila ka pungsod sa Eastern Europe may salsalon, nga may sobra nga suplay man sa kalibutan. Ang China ang pinakadaku nga *sweatshop* para sa produksyon sang mga balaklonon nga pangkonsumo nga may manubo nga dugang nga balor natagpuan ang kaugalingon nga sukol sang iya sobra nga produksyon kag sang pila ka mga atrasado nga pungsod nga ara sa parehong linya sang produksyon.

Bisan pa ang Russia kag China nagapaidalum sa pangkalibutanon nga sistema nga kapitalista, ang US kag iban pa nga imperyalistang mga pungsod nagapabilin nga nakabantay sa pagpanagil-ot sang pungsudnon nga soberanya sang mga pungsod nga ini, sa ilang kapot nga mga armas nukleyar kag sa posible nga liwat nga pagpagsik sang mga rebolusyonaryo nga pwersa. Pinag-interesan ang mga pungsod nga ini sang US kag iban pa nga mga imperyalistang pungsod kag nagahandum nga pungan sila nga mangin kakumpitensya sa industriya.

Ang estratehikong linya sang imperyalistang alyansang ginapangunahan sang US likupan ang Russia kag China



sang NATO kag sang maka-US nga mga pwersa nga militar sang Europa kag sang tambalang panseguridad sang US-Japan kag dugang pa nga paluyahon ang ila ekonomiya paagi sa lokal nga daku nga burgesyang kumprador agud pawala nga pulos ang ila nukleyar kag iban pa nga sistema sang armas.

Ang pagtapos sang Cold War sa tunga sang US kag daan nga Soviet Union indi nagakahulugan sang pagtatapos sang tensyon dulot sang imberyalistika nga paghilabot kag pagpanalakay. Nagaganyat ang US kag iban pa nga imberyalistang pungsod sang pangsulod nga mga kahuyangan sang China kag Russia nga maghilabot sa ila pangsulod nga mga halambalan kag maghiwat kag magpahog sang pagsalakay sa ila mga dulunan kag palibot.

Bangud sa pagkasugpon sa pangkalibutanon nga sistema nga kapitalista kag padayon nga pagdausdos nga pang-ekonomiya kag pangkatilingban, pareho nangin polarisado sa sulod ang Russia kag China kag nangin kaliwatan sang banggianay nga pangkatilingban. Indi madugayan sang pumuluyo ang bag-o nga daku nga burgesya bangud sa wala untat nga pagpangawat kag pagpa-antos nga nagapahadlok sa ila.

Ang dungganon nga palanublion nanday Lenin kag Stalin nagapabilin nga buhi sa pag-abot sang daan nga Soviet Union kag Eastern Europe. May pagdamo sang mga partido nga inspirado sang subong sadto nga palanublion bisan pa ang mga paltik nga komunista kag sosyal demokrata hayag nga nagapakigpaligsahan sa mga buraghil nga kontra-komunista. Nagaumpisa nga maghulag ang proletaryado kag pumuluyo. Amat-amat nga nagadaku ang mga rebolusyonaryo nga pwersa.

Nagasalig ang mga imberyalistika nga sa una kag ikaduha nga dekada sang madason nga siglo malinong nga makakas sang mga karatula sang sosyalismo kag sang partido komunista pareho sa Russia ang mga nagapamuno sa China. Pero puta-putaki nga nagliyab ang mga welga sang mamumugon kag mga pag-alsa sang mangunguma. Halambalan lamang ini sang panahon umusbong ang matuod nga partido komunista sa inspirasyon sang dungganon nga palanublion ni Mao.

Ang daku nga mayorya sang mga pungsod sa kalibutan malakolonyal kag malapyudal. Ano man nga industriya ang

ila gintukod sa nagligad ginaguba sa idalum sang tinaga nga neokolonyalismo kag neoliberalismo, nga ginadikta sang mga imberyalistang pungsod sa pamaagi nga bilateral o paagi sa multilateral nga ahensya pareho sang IMF, World Bank kag WTO.

Ginaobliga sang mga imberyalistang pungsod ang ila mga kliyenteng pungsod nga hatagan sang pungsudnon nga trato ang mga dumuluong nga kapitalista, ipanubo ang lebel sang sweldo, isapribado ang mga ginapanag-iyahan sang estado, ideregularisa kag buksan ang ila ekonomiya agud pagtampukan sang sobra nga mga balaklonon kag agud makailig ang ispekulativo nga pagpangkapital.

Sa naulihi nga babin sang dekada '70, ang mga kliyenteng pungsod sa Asia, Africa kag Latin America nakaagi sang pangkalibutanon nga sobra nga produksyon sang hilaw nga materyales, sang padayon nga paglubha sang kundisyon sang baligyaanay kag sang padayon nga pagtaas sang dumuluong nga utang. Pila sa ila, pareho sang ara sa Nabagatnan Sidlangan nga Asia, nagkadto sa produksyon sang semi-manupakturang may manubo nga dugang nga balor para sa eksport. Apang nagangkon sang sobra nga produksyon sang mga ini sa dekada '90.

Kaupod sang mga pungsod nga pag-abot sa daan nga pinagharian sang rebisyunismo, ang mga pungsod sa Asia, Africa kag Latin America ara sa senaryo sang kagamo nga pangkatilingban kag pangpolitika. May malaparan nga kontra-rebolusyonaryo nga kalakasan nga sinusulsulan sang mga imberyalistang gahum kag nagahalin sa mga ribalan sang mga reaksyunaryo nga grupo nga nagasinggit sang mga islogan sang sobinismo, etnosentrismo kag relihiyon.

Ang US kag iban pa nga imberyalistang mga pungsod nag-inisyatiba agud maglunsar sang mga inaway nga mapanalakay, katulad sang sa Yugoslavia kag Iraq, kag naggamit sang mga armas nga mataas ang teknolohiya kag pang-ekonomiya nga pagpang-ipit nga labi nga makapatay kag wala sang ginapili batuk sa pumuluyo sangsa sa armas nga ginakaptan sang kaaway nga reaksyunaryo nga hubon nga nagalunsar sang inaway nga sibil kag mga kudeta batuk sa isa kag isa, nga masami katampukan sang masaker.

Bisan man, sa tunga sang malaparan



nga kontra-rebolusyonaryo nga kakahasan, may pila ka mga pungsod nga mga Marxista-Leninistang partido ang nagapamuno sa malawigan nga inaway banwa suno sa linya sang bag-o nga demokratiko nga rebolusyon. May pila ka rebolusyonaryo nga kahublagan nga nagabato para sa pungsudnon nga pagdesisyon-sa-kaugalingon o nagabato lamang sa awtoritaryanismo. May mga estado man, tulad sang North Korea kag Cuba, nga nanindugan para sa ila pungsudnon nga kahilwayan kag sosyalistang handum sang ila pumuluyo.

Sa aton nga rehiyon sa Nabagatnan Sidlangan nga Asia, ang lugmok nga kahimtangan nga pang-ekonomiya kag pangkatilingban dulot sang krisis sa pinansya sang 1997 nagbunga sang wala sang-katupong nga pangkatilingban nga kagamo. Ang resulta, ginpuwan sang pumuluyo nga Indones ang madugay nga nagapungko nga papet nga diktador sang US nga si Suharto kag ginkadalag-an sang pumuluyo sang East Timor ang ila pungsudnon nga kahilwayan. Kasubong sang pumuluyo nga Pilipino, ang iban nga pumuluyo sang Southeast Asia nagakangil-ad sa mga nagahari nga sistema sang daku nga kumprador kag agalon nga mayduta kag gusto nga magrebolusyon.

Nagapagrabe ang tanan nga basehan nga mga kontradiksyon sa pangkalibutanon nga sistema nga kapitalista. Ang pangunahan nga kontradiksyon sa tunga sang mga imperialistang pungsod kag pigos nga pumuluyo. Tubtob sa subong kag sa malawig nga panahon nga maabot, ang kontradiksyon nga ini ang direkta nga nagatuga sang kahimtangan para sa mga rebolusyonaryo nga partido sang proletaryado nga maglunsar sang armado nga rebolusyon.

Ang kontradiksyon sa tunga sang mga imperialistang pungsod nagasingki sa mga isyu sa ekonomiya, pulitika kag militar. Pero ang imperialistang alyansang ginapangunahan sang US nagapabilin tubtob sa nagahiliusa sila sa pagpamigos kag pagpanghimulos sa pumuluyo sang kalibutan kag nagatinguhang kinudalan kag makipag-ayuhan sa Russia kag China, nga ginakahadlukan nila bilang mga imperialistang karibal kon indi mapa-untat kag paluyahan.

Ang pag-igrab sang inaway sa kontradiksyon sa tunga sang mga imperialista pwede magsugod sa nagapadayon nga nagagrabe ang krisis sang sobra nga produksyon sa pangkalibutanon nga sistema nga kapitalista, sa pag-pataas sa gahum sang mga pwersa nga pasista sa ano man nga imperialistang pungsod (upod na ang Russia)

kag sa panibag-o nga alinyaranay sang mga imperialistang gahum sa pagpanghimulos sa pigos nga pumuluyo. Ang rebolusyonaryo nga pumuluyo lamang sa pagpamuno sang proletaryado ang makapa-untat sa pasismo kag inaway o makaliso sa imperialistang gyera pakadto sa rebolusyonaryo nga gyera nga sibil.

Sa mga imperialista nga pungsod, sa diin nagasingki ang kontradiksyon sa tunga sang monopolyong burgesya kag proletaryado sa lain-lain nga lebel, ang monopolyong burgesya permi nga nagatinguhang isaylo ang palasanon sa krisis sa mga kliyenteng pungsod. Pero indi ini naga-untat sa pagpiga sang sobra nga balor halin sa proletaryado sang mga imperialistang pungsod. Ang porsyento sang pagpanghimulos kag ang porsyento sang disempleado magsaka sa mga imperialistang pungsod.

Ang polarisasyon sa tunga sang proletaryado kag iban pa nga pumuluyo nga nagasakdag sang bandera sang sosyalismo sa isa ka bahin, kag sang monopolyong burgesya kag iya pasista nga pwersa sa pihak nga bahin, padayon nga nagadasig sa dugang nga pagsingki sang paghimakas sang pigos nga pumuluyo kag sang inter-imperialistang mga kontradiksyon.

Bisan nga nakahimulos ang imperialismo sa rebisyunistang pagkatraidor sa sosyalismo sang Soviet Union umpisa 1956 kag sang China umpisa 1976, ang nagtuawh nga mga materyal nga kundisyon indi mapautat kag makontrol sang monopolyong kapitalismo. Gani, sa tuman kalipot nga panahon ang imperialismo sa wala sang-katupong nga krisis sa ekonomiya kag sosyedad.

Ang mga pwersa sa produksyon pareho sang mas mataas nga teknolohiya kag sang mas edukado kag may mataas nga kinaadman nga proletaryado santo sa sosyalistang relasyon sa produksyon kag indi sa kapitalistang relasyon sa produksyon nga pinangingbabawan kag ginapadalagan sang motibo sang pribadong ganansya. Sa pagkamatuod ang mga pwer-

**ANG POLARISASYON SA TUNGA SANG PROLETARYADO KAG IBAN PA NGA PUMULUYO NGA NAGASAKDAG SANG BANDERA SANG SOSYALISMO SA ISA KA BAHIN, KAG SANG MONOPOLYONG BURGESYA KAG IYA PASISTA NGA PWERSA SA PIHAK NGA BAHIN, PADAYON NGA NAGADASIG SA DUGANG NGA PAGSINGKI SANG PAGHIMAKAS SANG PIGOS NGA PUMULUYO KAG SANG INTER-IMPERIALISTANG MGA KONTRADIKSYON.**

sa sa produksyon nga ini paliwat-liwat nga nag-uumalpas batuk sa kapitalistang relasyon sa produksyon, naga-tinghuha nga utdon ang mga kadena.

Ang teknolohiya nga ginahimo subong sa produksyon masarangan nga magdula sa kaimulon sa diin apat ka sanlima sang sangkatuhan nagakabuhi nga mas manubo pa sa talana nga bungad sang kaimulon kag katunga nagakabuhi sa kulang sa duha ka dolyar kada adlaw. Pero ang mas daku nga produksyon nagakahulugan sang sobra nga produksyon relatibo sa balaligyaan sa kapitalistang sistema. Agud mamaksimisa sang monopolyong burgesya ang iya tubo, ginapataas ang porsyento sang pagpanghimulos sa mga mamumugon nga nagapabilin nga may empleyo kag ginapabilin ang daku nga mayorya sang pwersa sa trabaho sa kahimtangan sang disempleado kag kakulangan sang trabaho.

Desperado sa pag-tanyag sang bag-o nga mga produkto para sa mas madasig nga pagpuga sang tubo kag kapitalista nga pagpalapad, kinomersyalisa sang monopolyong burgesya ang teknolohiya sa komunikasyon nga daan nakareserba sa iya pwersa nga militar. Ang subong sini nga teknolohiya ginahimo sang mga rebolusyonaryo sa paghiwat sang rebolusyonaryo nga propaganda kag iban pa nga hilikuton kag para sa pagplano nga pang-ekonomiya kag sosyalistang demokrasya sa palaabuton.

Ginatinghuha sang imperyalismo nga ilusot ang kaugalingon bilang isa ka bag-o nga nagasanto nga may alyas nga globalisasyon. Pero ini nagakahulugan sang isa ka nagasanto nga may kadugayon, isa ka pagdausdos sa “laissez faire” nga pagpangawat sang kapitalismo sadto nga madasig nga nagapadulong ini sa monopolyong kapitalismo o imperyalismo halin 1870 nagaabanse tubtob sa una nga gyera nga inter-imperialista sadtong 1914.

## **SA PAGTATAPOS SANG IKA-20 SIGLO, ANG ENTABLADO NAKAHANDA NGA PARA SA DUNGGANON NGA MGA MAKASAYSIYAN NGA PAGHIMAKAS SA TUNGA SANG PROLETARYADO KAG MONOPOLYONG BURGESYA.**

Ang globalisasyon nga “hilway nga balaligyaan” sugod sadtong 1980 nagdala sa subong nga dekada sa pinakawalay sang kapus-lanan nga pagguba sa mga produktibo nga pwersa kag sa pinakadalok nga konsentrasyon sang kapital kag kon subong sadto, sa wala sang katupong nga

krisis kag kagamo sa pangkalibutanon nga sis-tema nga kapitalista.

Sa pagtatapos sang ika-20 siglo, ang entablado nakahanda nga para sa dungganon nga mga makasaysayan nga paghimakas sa tunga sang proletaryado kag monopolyong burgesya. Ang subong nga kagrabe nga krisis kag daku nga kagamo sa pangkalibutanon nga sistema nga kapitalista pangbukas sang dungganon nga mga pagbag-o kag sosyalistang rebolusyon sa ika-21 siglo.

## **II. Padayon nga naggarov ang lokal nga nagahari nga sistema**

Deka-dekada, ang permehan nga krisis sang malakolonyal kag malapyudal nga sistema labi nga nagadalum kag nagagrabe. Ang wala sang katapusan nga serye sang gindumalahan sang IMF nga mga programa sa istruktural nga pagbag-o kag istabilisasyon kag ang pagbalhin sang tum-ok sa upisyal nga pagpakuno-kuno, halin sa gindumalahan nga “kauswagan” sang World Bank sa idalum sang rehimeng Marcos pakadto sa gindumalahan sang GATT kag WTO nga “hilway nga balaligyaan” sa idalum sang mga rehimeng pagkatapos ni Marcos ang nagbulid sa nagahari nga sistema sa dugang nga pagkarorok sangsa una.

Sa nagdugay nga panahon sang pasista nga diktadurang Marcos, ang mga proyekto sa imprastrukturna, produksyon sang hilaw nga materyales, pagtukod sang mga pasilidad sa turismo kag mangin ang purong burukratiko kag pangmilitar nga paggatos sang recurso ginbilang nga pang-ekonomiya nga kauswagan. Ang mga depisito sa badyet kag baligyaanay nagdaku kag magsaka ang publikong pangutang tubtob sa ang pasista nga rehimeng sinusulsulan sang US indi gani depensahan pa.

Sa mga rehimeng pagkatapos ni Marcos, tanan nga ara sa taas nga papet nga pulitiko ara sa sugo sang imperyalismo nga indi magasakdag o magpakunu-kuno man lamang nga para sa industriyal nga kauswagan. Ang pangrenda sang termino sa ila “hilway nga balaligyaan”, samtang sila ginahigtan sa produksyon sang hilaw nga materyales kag semi-manupakturang may manubo nga dugang nga balor para sa eksport. Ginaobliga sila nga lhalugan ang baligyaanay kag pagpangkapital pabor sa dumuluong nga monopolyong kapitalismo, isapribado ang mga kagamitan sang estado kag magderegularisa lapas sa talaksan sang pagtrabaho, proteksyon sang kalikasan

kag iban pa nga pangkatilingban nga halambalan.

Ang mga semi-manupaktura nga manubo ang dugang nga balor (semiconductors, garments, laruhan, sapatos, kag kasubong sini) nagabalar sang mas o menos katunga sang kabilugan nga kita sa eksport. Apang nagalab-ot sa 90% sang kaundan sini imported. Ang subong sini nga tipo sang mga produkto napaidalum sa papalala nga kasugot sa baligyaanay bangud sa sobra nga produksyon, tulad sang hilaw nga materyales sadtong ulihi nga babin sang dekada '70. Pagkamatuod ang eksport sang nakakontrata nga mamumugon ang nagakandas sang mas daku nga kita sa dumuluong nga pananalapi sangsa sa ano man nga mga produktong eksport.

Ang obras publikas kag pribado nga konstruksyon sang mga tore nga residensyal kag talatapan gin-gamit agud papagsikon ang ekonomiya. Indi man lamang ini nakahatag sang malawigan nga pagpagsik sang lokal nga produksyon kundi ato lamang nga pag-import sang kagamitan sa konstruksyon, istruktural nga salsalon kag mga luho para sa mga nagapanghimulos nga sahi. Labi lamang ini nga nagpalubha sa madugay nga mga depisito sa baligyaanay kag nagapadasig sang pagdaku sang lokal kag dumuluong nga publiko nga pagkautang kag subong man nagsakdag sa neoliberal nga pamaagi sa nagapaidalum nga mga transaksyon sa pangutang kag kontrata sa tunga sang dumuluong nga nagpautang kag suplayer sa isa ka babin kag sang mga burukratang kapitalista kag kroni sa pihak nga babin.

Nagapabilin nga atrasado nga agraryong pungsod ang Pilipinas apang ini nangin netong taga-import sang bigas, mais, kalamay kag karne. Epekto ini sang liberalisasyon sa baligyaanay nga nagapahanugot sa pagtampok sang mga agrikultural nga surplas halin sa iban nga mga pungsod sa kahalitan sang lokal nga agrikultural nga produksyon. Ang seguridad sa pagkaon ginduba sang madasig nga reklasipikasyon sang mga duta nga agrikultural bilang duta nga komersyal kag industriyal para sa ispekulasyon sa real estate, sa pagsaylo sa pribadong ginapanag-iyahan sang duta nga pampubliko, mineral, katalunan kag manggad-tubig sa idalum sang lain-lain nga kabangdanang kag sang paglapnag sang mga mapanghimulos nga kampanya nga militar sa kaumhan.

Pareho sang pagdumili sa ila sang ila mga impreyalistang

amo sa pagpromisa sang industriyal nga kauswagan, ang mga nagahari nga pulitiko ginapunggan man nga mangako sang reforma sa duta. Bisan ang pila ka pidaso sang palayan kag maisan, nga sadto anay napadalum sa pakitang-tawo nga programa sang reforma sa duta sang reaksyunaryo nga gubyerno, liwat nga klinasipika subong bilang duta nga komersyal o industriyal kag liwat nga nabawi sang mga agalon nga mayduta o binakal halin sa estado sang mga ispekulator sa real estate.

Ang bilog nga ekonomiya kag reaksyunaryo nga gubyerno nakasalig sa dumuluong nga pautang. Pero ang dumuluong nga pautang nga magamit subong agud lamang nga sa pag-istabilisa sang mga bangko kag sa limitado nga isip sang obras publikas.



Tuman nga nabudlayan ang rehimeng US-Estrada sa pagpataas sang kita porma sang buwis halin sa isa ka bangkarote nga ekonomiya, sang taripa halin sa liberalisado nga baligyaanay kag ang kita halin sa benta sang nagagamay nga mga korporasyon nga ginapanag-iyahan sang estado. Daku nga babin sang badyet ginalamon sang serbisyo sa utang kag gastos sang militar kag pulisya. Bangud diri, may pag-inagaway sa limitadong pondo sa tunga sang talatapan sang presidente, mga pungsudnon nga departamento, Kongreso kag lokal nga mga upisyal.

Ginapadalagan sang nagahari nga grupo nga US-Estrada ang isa ka bangkarote nga gubyerno. Naggahom ini sang indi gina-anunsyo nga programa sa pagkini sa kahalitan sang pumuluyo. Ini halin sa mga sugo sang iya mga impreyalistang amo subong man sang mga patrong daku nga kumprador-agalon nga mayduta agud ipatumang ang pinakatraidor kag pinakaestupidong mga polisa.

Gindeklara sang nagahari nga grupo nga pwede lamang nga makipagkumpitensya ang Pilipinas sa kalibutan kon isubasta ang pungsudnon nga patrimonya. Gani, nangangampanya ini sang pagbag-o sang konstitusyon sang 1987 agud ipasugtan ang wala sang renda nga dumuluong nga pagpanag-iya sang duta kag tanan nga tipo sang negosyo, upod ang paggamit sa duna nga manggad, pagkabutang nga publiko, mga bangko, pag-utay-utay eskwelahan, masmidya kag adbertaysing.

Ang liwat nga pagsulat sang konstitusyon agud himuong nga mas grabe sangsa subong may katuyuan man nga

bagayon ini sa Visiting Forces Agreement nga i-ampo sa pungsudnon nga soberanya kag territoryal nga integridad sa imperyalismo nga US, kuhaon ang formal nga garantiya sa kinamatarung nga sibil kag pangpolitika kag palawigon ang termino sa pagserbisyo sang nagahari nga grupo.

Halos may pagbalik sa kolonyal nga mga panahon kag subong man sa mga pamaagi sang pasista nga diktadurang US-Marcos sa punto sang pagkapapet, korupsyon, pagka makapagpakuno-kuno kag brutalidad. Ang nagahari nga grupo ginabug-os sang mga direkta nga inapo sa pulitika kag sang pinakamasupog nga mga kroni sang namatay nga indi pinangandahoy nga pasista nga diktador.

Ginasaway sang rehimeng US-Estrada ang pumuluyo sa pagdumdom sa deklarasyon sang martial law sadtong Setyembre 21 kag pagkondesar sa mga paglabas sa kinamatarung nga pangtawo sa idalum sang rehimeng US-Marcos kag ginasilingan sila nga kalimtan ang tanan nga ini. Kadungan, nagapakigkunsabo ini sa pamilyang Marcos sa paglikaw sa pagpatuman sang desisyon sang korte sa US nga baydan ang mga biktima sang paglabag sang kinamatarung pang-tawo. Ang pamilya nga ini kag ang pinakamasupog nga mga grabe nga kroni ni Marcos nagahalong sang ila nakatago nga kinawat nga manggad kag ginahalin sa pagkakasekwester ang tanan nga kinawatan nga manggad nga naka-paidalum pa sa litigasyon.

Ginapalapta pa ang mapang-ulipon nga kampanya nga militar kag pulisia sang rehimeng US-Estrada kag ginalabag ang mga kinamatarung nga pangtawo nga luwas sa mga silot nga indi nadeklara sang layi militar. Sa pagkamatuod, ginpaidalum ang bug-os nga mga komunidad pareho sa kaumhan kag kasyudaran sa mga pagsona kag paghalughog kag subong man sa malaparan nga pwersahan nga pagpalayas kag ebakwasyon. Nagapadaku nga bilang sang mga tawo ang biktima sang mga pag-aresto nga wala sang mandamyento, iligal nga detensyon, tortur, ekstrahudisyal nga pagpatay, upod ang mga masaker.

Ang nagataas nga lebel sang pagpamigos direkta nga naka-angot sa nagataas nga lebel sang pagpanghimulos sang mga imperyalista kag sang makitid nga nagahari nga

grupo. Mapintas nga pwersa ang ginagamit agud pwersahan ang pumuluyo nga bayaan ang duta nga ginaplanong angkunon nanday Estrada kag iya mga kroni kag agud hadlukon naman ang pumuluyo sa pangkabiligan. Nag-uuyaran nga ginalaragway sang rehimeng reforma sa duta ang pinakabisyosong salamangka sang mga korporasyon sa pangangamkam sang duta kag ginadayaw ang daku nga kumprador-agalon nga mayduta nga si Eduardo Cojuangco bilang padrino sang reforma sa duta.

Kaupod ang daku nga kumprador nga si Lucio Tan, ginainsulto ni Estrada ang mga mamumugon sa pagsiling nga sila "ginapagastuhan". Hilway nga ginagamit sang

rehimeng US-Estrada ang pwersa nga militar kag pulisia agud balaan kag atakhon ang mga mamumugon labina sa mga welga. Ari ang isa ka rehimeng indi nakuntento sa makaguba nga epekto sang polisa sa ekonomiya nga ginatawag nga hilway nga balaligyaan kag sang polisa sa pleksibilidad sa pagtrabaho. Nasobrahan pa niya ini paagi sa iya maluyagon nga mang-insulto kag maggamit sang pisikal nga pwersa batuk sa mamumugon.

Maathag ang mga kabangdanan kon ngaa tinapos sang rehimeng US-Estrada ang negosasyong pangkalinongan sang GRP-NDFP. Ginabilang sini nga sablag sa iya polisa sang pagkapintas batuk sa pumuluyo ang Komprehensibong Kasugot sa Paggalang sa mga Kinamatarung nga pang-tawo kag sa Internasyunal nga Tawhanon nga Layi. Sobra nga nahadlok sa negosasyon tungod sa mga basehan nga reformang pangkatilingban, pang-ekonomiya kag konstitusyunal kay ini wala sang sasantuhin agud i-abanse ang pagbag-o sang konstitusyon sang 1987 para sa kapuslanan sang mga imperyalista kag sang mga lokal nga nagapanghimulos nga sahi.

Kinahanglan nga bumangon kag magbato ang malapad nga masa sang pumuluyo para sa ila pungsudnon kag demokratiko nga mga kinamatarung kag interes. Kon ang armado nga rebolusyonaryo nga kahublagan ang pamangkuton, permi ini nga pasingkion ang mga basehan nga taktikal nga opensiba agud dugmukon ang mga yunit sang kaaway kag agawon ang ila armas kag maglunsar sang mga espesyal nga taktikal nga opensiba agud pinahan ang pinakamasupog nga mga mangtas nga



**SA PAGSUNOD KAG  
PAGPATUMAN SA MGA  
NEOKOLONYAL KAG  
NEOLIBERAL NGA MGA  
DIKTA SANG IYA MGA  
IMPERYALISTANG AMO,  
GINAPIGOS KAG  
GINAHIMUSLAN SANG  
PAPET NGA REHIMENG  
ESTRADA ANG PUMULUYO  
NGA PILIPINO KAG PINA-  
ANTOS SILA SANG  
SOBRA. GANI SILA  
NAGAPAMATUK SA  
REHIMEN SANG MAY  
PAPASIDHING DESISYON  
KAG MILITANSYA.**

---

nga aktibo nga balabagan ang pinakagrabe nga mga kriminal sa pagdalagan bilang mga kandidato kag maglunsar sang pagpina batuk sa ila. Ang pag-atake sa ila armado nga mga *convoy* nagaserbi agud dulaon ang ilusyon sang demokrasya nga ginatuga sang pakita nga elekson sang kaaway.

Kahalat-an nga sa basehan lamang nga sang pagduda mahimo tubtob sa gusto sang kaaway nga sakiton kag patyon ang mga rebolusyonaryo kag ang mga rebolusyonaryo dapat magpa-untat sa pag-aresto, bista kag pagsilot sa mga nakahimo sang pinakamalaot nga mga krimen batuk sa pumuluyo. Labi pa, ang nagahari nga sistema mangin maluya nga kon sa tion nga indi na niya mahimo magtuga sang ilusyon sang demokrasya.

Ano man nga dasig mahimo sang armado nga rebolusyonaryo nga kahublagan ang pagpatuman sang matarung nga pagsilot, ang krisis sosyo-ekonomiko kag pangpulitika sang nagahari nga sistema nagadasig. Ang komprehensibo nga pagkabangkarote sang reaksyunaryo nga estado ang naglimita sa daku sang kurakot nga pwede tunga-on para sa matiwasay nga mutwal nga akomodasyon sa tunga sang mga magkaaway nga paksyon sa pulitika sang mga nagapanghimulos nga sahi sang daku nga kumprador kag agalon nga mayduta.

Ang burukratiko nga korupsyon sang mga ara sa gahum nangin mas mahapos nga ibuyagyag sang mga wala sa gahum. Ang mga kontradiksyon sa tunga sang mga reaksyunaryo nangin mas grabe kag may tendensya nga mangin mas makahas. Lapnagon nga ang mga balita nga

traidor, nagalapas sa kinamatarung nga pang-tawo kag mga kawatan kag magserbi nga paandam nga ang mga dumuluong nga manugpigos kag mapanghimulos indi ginabaton sa pungsod.

Indi bastante nga sawyon sang mga palabas ang pana-panahon nga elekson nga ginalunsar sang mga reaksyunaryo, kag magpadumon sang polisa sang rebolusyonaryo nga duha nga taktika sa mga reaksyunaryo nga kandidato. Kinahanglan

ang rehimeng US-Estrada indi magdugay tubtob sa katapusan sang iya termino, bangud sa kudeta, asasinasyon o deklarasyon sang kawad-an nga ikasarang ni Estrada.

Nagadamo nga katapu sang Kongreso ang nagahupot sang malain nga buot sa pag-akusa sa ila ni Estrada sang pagpangawat paagi sa tradisyunal nga *pork barrel*. Apang ang kongresyunal nga *pork barrel* ginhimo niya nga presidensyal nga pork barrel kag ginhimo nga pobre ang Kongreso. Estilong Marcos nga ginahugakom niya kag sang iya mga anak ang pinakadaku nga bahin sang katiwalian sa obras publiko kag bug-os nga arogante nga naglibot agud kumandig halin sa pondo sang publiko.

Ginapahalin sang rehimeng Estrada ang daku nga isip sang mga sibilyan nga employado sang reaksyunaryo nga gubyerno bilang pagsunod sa mga dikta sang IMF kag World Bank. Ang mga employado nga ini nga manubo ang sweldo subong nga nagahiwat sang kahublagan nga protesta agud mapabilin ang ila trabaho. Ang mga upisyal kag employado sa probinsyal kag munisipal nga lebel nagwaragwag man sang ila kaakig sa arbitraryo nga pagbuhin sang ila *internal revenue allocation* o IRA.

Kabaliskaran sang sa burukrasya nga sibil, ang pwersa nga militar kag pulisia nagakuha sang indi hamak nga mas mataas nga proporsyon sang mga alokasyon sa badyet, labina sa ngalan sang modernisasyong militar. Madamo sa ila mga upisyal ang nagapalakat sang mga kriminal nga sindikato nga nagahiwat sang pagpangawat, *kidnapping for ransom*, ismagling kag prostitusyon. Si Estrada mismo kag iya mga kaupod nga kriminal nagahimo sang kriminal nga mga operasyon, sa diin ang pinakamapuslan ang teknikal nga ismagling. Ini man ang kabangdanan sang naganubo ang koleksyon sang taripa.

Sa pagsunod kag pagpatuman sa mga neokolonyal kag neoliberal nga mga dikta sang iya mga imperyalistang amo, ginapigos kag ginahimusan sang papet nga rehimeng Estrada ang pumuluyo nga Pilipino kag pinantasila sang sobra. Gani sila nagapamatuk sa rehimen sang may pagdugang nga desisyon kag militansya.

Ang rehimeng US-Estrada nahamulag, resulta sang iya buraghala kontranasional kag kontra-demokratiko nga mga polisa kag aksyon. Isa ka malapad nga alyansa sang masa nga anakbalhas, sang tunga nga saray sang sosyedad, sang respetable nga mga institusyon kag sang mga reaksyunaryo nga kontra-Estrada ang labi pa nga nagahamulag sa rehimen.

Ang malapad nga alyansa nga ini nagalunsar sang mga aksyon protestang masa sa bilog nga pungsod batuk

**GINAPABILIN SANG  
PARTIDO ANG IYA  
KAHILWAYAN KAG  
INISYATIBA KAG  
GINAPAUSWAG ANG IYA  
REBOLUSYONARYO NGA  
PWERSA SA PROSESO  
SANG PAGPAMATUK SA  
KADA REHIMEN NGA  
MAILUKLOK PA SANG  
NAGAHARI NGA  
SISTEMA TUBTOB SA  
IYA PINAL NGA  
PAGPUKAN.**

---

won kag pahulagon ang pumuluyo agud kuhaon siya sa gahum, kasubong sang natabo kay Marcos bangud sa paglabas sa pinakapundamental nga mga kinamatarung sang pumuluyo. Ang malapad nga alyansa dugang pa nga mapauswag agud pahalinon si Estrada o piliton siya nga magbiya sa poder.

Samtang permi nga nakahanda nga magbulig kag makipag-angtanay ang pwersa, ang mga progresibong organisasyon nga masa kag alyansa sang mga mamumugon, mangunguma, kababainhan, pamatan-on kag iban pa nga sektor paliwat-liwat nga naglunsad sang mga aksyong protestang masa sa bilog nga pungsod. Ang mga isyu ginapasakupan sang sweldo kag kinamatarung sang mamumugon, repermang agraryo kag seguridad sa pagkaon, kinamatarung sang kababainhan, kinamatarung sang mga estudyante, Visiting Forces Agreement kag madamo pa.

Ginakilala sang pumuluyo nga malahalon kag kinahanglan ang mga ligal nga kahublagan nga protesta agud ibuyagyag ang kontranasyunal kag kontrademokratiko nga kinaiya sang nagahari nga sistema kag sang subong nga nagahari nga grupo. Ginakilala man nila nga ang armado nga rebolusyonaryo nga kahublagan ang pinakamalahlon kag pinakakinahanglan nga hinganiban agud pukanon ang nagahari nga sistema sang daku nga kumprador kag agalon nga mayduta kag itukod ang demokratiko nga sistema nga banwa sa basehan sang alyansang mamumugon kag mangunguma.

Ginapakamalaut sang pumuluyo ang terminasyon sang rehimeng US-Estrada sa negosasyong pang-kalinangan sang GRP-NDFP kag ginakadlawan ang ginatawag nga lokalisadong negosasyon sa idalum sang

sa pagbalik sa gahum sang mga Marcos kag kroni ni Marcos kaupod ni Estrada, batuk sa korupsyon sang daan kag bag-o nga mga kroni, batuk sa plano sang pagbag-o sang konstitusyon sang 1987 kag batuk sa pagpamigos sa kahilwayan sa pagsulat.

Ang mga nagapamuno sang malapad nga alyansa paliwat-liwat nga nagpandam kay Estrada nga masarangan nila nga puka-

won kag pahulagon ang pumuluyo agud kuhaon siya sa gahum, kasubong sang natabo kay Marcos bangud sa paglabas sa pinakapundamental nga mga kinamatarung sang pumuluyo. Ang alyansa nga ini ginapasakupan sang mutwal nga respeto kag mutwal nga suporta batuk sa komon nga kaaway. Tanan nga rebolusyonaryo nga organisasyon sa sulod sang NDFP, upod ang Partido Komunista ng Pilipinas kag ang Bagong Hukbong Bayan nagasuporta sa paghimakas sang pumuluyo nga Moro para sa pagdesisyon-sa-kaugalingon kag demokrasya.

Ang paghimakas batuk sa rehimeng US-Estrada babin sang malawigan nga paghimakas batuk sa nagahari nga sistema. Ang Partido pwede magsulod sa ano man nga alyansa agud ihamulag kag wasakon ang subong nga rehimeng Kadungan, ginapabilin sini ang iya kahilwayan kag inisyatiba kag ginapauswag ang iya rebolusyonaryo nga pwersa sa proseso sang pagpamatuk sa kada rehimeng maipwesto pa sang nagahari nga sistema tubtob sa iya pinal nga pagpuwan.

**III. Pasingkion ang rebolusyon**

Ang Partido Komunista ng Pilipinas lubos nga nakahanda nga pamunuan ang proletaryado kag pumuluyo nga Pilipino sa pagtungod sang mga hut-ong nga bag-o nga demokratiko kag sosyalista sang rebolusyon nga Pilipino. Ini may husto nga linya sa ideolohiya, pulitika kag organisasyon. Ini napanday sang deka-dekada nga rebolusyonaryo nga paghimakas, nakatuon sang mga leksyon halin sa iya mga inagihan kag halin sa iban nga pungsod kag may maathag nga makigsumpong nga mga katungdanan. Ini nag-agom sang mapuslanon nga mga kadalag-an kag nakaipon sang kusog.

Ang Ikaduha nga Dungganon nga Kahublagan sa pagpanadlong liwat nga nagpabaskog sa mga basehan nga rebolusyonaryo nga prinsipyo nga ginsulong sang Una nga Dungganon nga Kahublagan sa Pagpanadlong kag sang kongreso sang liwat nga kalig-on nga Partido sadtong 1968. Madinalag-on sini nga ginpabaskog ang Partido sa komprehensibo nga pamaagi, para sa

malawigan nga inaway banwa suno sa linya sang bag-o nga demokratiko nga rebolusyon.

Ginasakdag sang Partido ang Marxismo-Leninismo-Maoismo bilang teoretikal nga ubay kag pang-ideolohiya nga linya sini kag ginahimo ini sa praktika sang rebolusyon nga Pilipino. Ang Marxismo-Leninismo-Maoismo ang teleskopyo kag mikroskopyo sang rebolusyon. Ginagabayán kita sini sa paghangup sa kasaysayan kag subong nga sirkunstansya sang rebolusyon nga Pilipino kag pangkalibutanon nga proletaryo nga rebolusyon kag ginahatagan kita sang hilway nga panan-awan, tubtob sa hut-on sang pagkonsolida sang sosyalismo, pagpamatuk sa rebisyunismo kag pagbalabag sa pagbalik sang kapitalismo kag malig-on nga pagpabilin sa dalan pakadto sa komunismo.

Sa paghawak sa Marxista-Leninistang panindugan, panan-awan kag pamaagi sang rebolusyonaryo nga proletaryado, lubos nga na-intiendehan sang Partido ang kasaysayan kag subong nga mga kahimtangan sa Pilipinas. Ginsuma sini ang rebolusyonaryo nga inagihan sa komprehensibo kag madalum nga pamaagi kag nakatuon sang mga leksyon halin sa mga negatibo kag positibo nga mga inagihan.

Pana-panahon kag sa napanahon nga basehan, nilalagom kag tinatasa sini ang mga inagihan kag nagahiwat sang sawayanay kag pagsaway sa kaugalingon sa pagtuman sang subong nga hilikuton agud mapayuhon ang pag trabaho kag estilo sang pagtrabaho kag dugang pa nga athagon ang mga rebolusyonaryo nga mga katungdanan kag pamaagi sang pag-abanse sini. Gani ang rebolusyonaryo nga paghimakas sang pumuluyo nagaabanse halin sa isa ka kadalag-an pakadto sa isa pa nga kadalag-an.

Ginsikway kag ginpamatukan sang Partido ang suhetibismo nga dagway sang empirisismo kag dogmatismo kag sa naulihi sang rebisyunismo, likidasyunismo kag reformismo. Ang indi nakapagbag-o sa kaugalingon nga mga elemento sang petiburgesya nga sistematiko nga nagapadamo sang suhetibismo pabay-an nga ginabuyagyag ang ila mga kaugalingon bilang mga traydor kag paatras nga mga elemento nga nagaserbi sa naghahari nga sistema kag mga imperyalist. Ang pinakagrabe sa ila wala sang kahuy-anan nga ara sa serbisyo sang rehimeng US-Estrada, sang mga ahensiyan ginapondohan sang imperyalist o mga gagmay nga hubon nga Trotskyista, nang raraket kag burges liberal.

Ginpaslaw sang Partido ang opensiba sa ideolohiya sang imperyalist, nga nagpoproklama sa kapitalismo kag liberal nga demokrasya bilang katupusan sang kasaysayan kag sala nga inilaragway ang pagpukan sang mga rebisyunistra nga mga rehimens bilang pruweba sang kawaay kapuslanan sang sosyalismo. Liwat nga gin-aprubahan sang Partido ang iya pagsaway sa pundasyon kag pagsikway sa moderno nga rebisyunismo kag napamatud-an nga husto sa lubos sinsero nga pagkahayag sang mga rebisyunistang traitor bilang mga ahente sang pag-uli sang kapitalismo.

Ang lebel sang pang-ideolohiya nga kamuklutan sang tanan nga mga cadre kag katapu sang Partido nagsaka bunga sang banggianay sa ideolohiya sa Ikaduha nga Dungganon



nga Kahublagan sa Pagpanadlong kag sa aplikasyon kag beripi-kasyon sang mgahusto nga ideya sa proceso sang rebolusyonaryo nga praktika. Tayuyon nga ginahiwat ang pagtuon sa pormal nga mga kurso sa pagtuon sa lebel primary, intermedya kag abanse, ang mga miting pagtuon sa mga nagapamuno nga organo kag yunit, pangkatilingban nga pagpanayasat, pagsuma sang mga hilikuton kag pagsaway kag pagsaway sa kaugalingon.

Ang teoretikal nga pamantalaan sang Partido kag mga klasikong Marxista-Leninistang libro kag polyeto malaparan nga ginapanghatag sa sulod sang Partido. Para sa kapuslanan sang mga kaupod nga kulang sa pormal nga edukasyon, nagdisenyo sang ginpasimple nga mga teksto kag nakalaragway nga mga materyal sa pagtuon. Ang mga oriinal nga kopya sang mga materyal sa pagtuon ara sa mga *disk* sang kompyuter para sa pagpadamo. Isa ka *website* ang minimintina sa internet kag isakto nga mga materyal ang ginabutang diri.

Ang Partido malig-on nga naga-abanse sang pangkabilugan nga linya sang bag-o nga demokratiko nga rebolusyon paagi sa malawigan nga inaway banwa base sa malakolonyal kag malapyudal nga mga kahimtangan sang Pilipinas. Ang rebolusyon isa ka paghanda para sa sosyalismo, nga maagom lamang

pagkatapos sang pagpuwan sang nagahari nga sistema nga ginapangibabawan sang dumuluong nga monopolyong kapitalismo, pyudalismo kag burukratang kapitalismo.

Bilang rebolusyonaryo nga partido sang proletaryado, ang Partido aktibo nga naghiwat sang mga hilikuton nga likom sa kubay sang mga mamumugon kag madasig nga ginapalapta ang subong nga pangkabilugan nga linya kag ang Marxista-Leninistang edukasyon sa kubay sang mga mamumugon. Gina-ubayan kag ginaganyat ang kahublagan nga unyon kag tanan nga pangpulitika nga paghimakas sang sahi nga mamumugon. Ginatukod ang organisasyon sang Partido sa kubay sang mga mamumugon sa pamaagi nga likom. Gani, epektibo niya nga mahiwat ang iya pagpamuno nga papel kag ara sa tugas man sang bilog nga kahublagan nga mamumugon.

Bangud sa kamatuoran nga tuman kadamo nga mga mamumugon ang napahalin sa ila mga trabaho, ang Partido dapat magpadala sang mas madamo nga proletaryo nga rebolusyonaryo nga mga kadre kag mamu-mugon nga aktibista agud magserbi sa Bagong Hukbong Bayan, naka-angot sa masa nga mangunguma kag maghiwat sang hilikuton pangmasa sa kubay nila. Sa subong sadto, dugang nga napabaskog ang pagpamuno sang Partido kag sang sahi nga mamumugon kag ang alyansang mamumugon-mangunguma.

Maayo para sa armado nga rebolusyon ang pag-abondona sang reaksyunaryo nga gubyerno sa mga pagpakuno-kuno sa reporma sa duta. Ang kalutasan sang problema sa duta ang pangunahon nga kaundan sang demokratiko nga rebolusyon. Halambalan ini sang masa nga mangunguma, ang pinakadaku kag pinakapigos kag ginahimuslan nga sahi sa Pilipinas. Mangin matuod lamang ini paagi sa pagtingob sang rebolusyonaryo nga armado nga paghimakas, reporma sa duta kag pagtukod sang baseng masa.

Sa proseso, ang mangunguma ang kadam-an nga bahin nga pwersa sang rebolusyon. Ini ang sahi nga direktang nagasakdag sa dalagkuan nga pamaagi sa armado nga rebolusyon sa bilog nga pungsod. Bangud diri, nahimo sang Partido nga mapatindog ang Bagong Hukbong Bayan kag maglunsar sang malawigan nga

inaway banwa sa diin ang kusog pangpulitika kag militar matingob tubtob sa maluto ang kahimtangan para sa madinalag-on nga pag-agaw sang kasyudaran.

Ang Bagong Hukbong Bayan pangunahon nga hangaway nga mangunguma kag ara sa idalum sang absolutong pagpamuno sang Partido. Nagahulag ini sa kapin 80 prente nga gerilya sa bilog nga pungsod. Subong sini ara sa hut-ong sang estratehikong depensiba. Matapos ang signipikante nga panahon sang pagpalapad kag pagkonsolida sang baseng masa, nagalunsar ini sang mga taktikal nga opensiba batuk sa mga mahuyang nga bahin sang kaaway nga masunson kag may nagapalapad nga sakop. Determinado ini nga maglunsar sang malaparan kag masunson nga gerilya nga pagpakig-away sa basehan sang nagapalapad kag nagapadalum nga baseng masa.

Napakita sini ang iya ikasarang nga magbato sa mga taktikal nga opensiba nga may plano kag maayo nga napatupad, upod ang mga reyd, ambus kag pag-a-resto, sa base-han sang husto nga impor-

masyon kag gilayon nga rekoney-sans sang lugar. Naagom ang mga ini bangud sa pagpamuno sang Partido, bug-os nga kasing-kasing ang pagsuporta sang masa kag ikasarang kag kaisog sang mga yunit sang BHB. Sa pihak nga pinasahi nga nahimo sang hangaway sang banwa ang mga reyd kag ambus nga nagresulta sa pag-agaw sang mga armas kag operasyon nga pag-aresto nga nagresulta sa pagdakop sang mga upisyal sang kaaway, upod ang isa ka heneral.

Ang hangaway sang banwa nangin instrumento sa pagtukod sang mga organo sang gahum nga pangpulitika, sang mga rebolusyonaryo nga organisasyon nga masa kag mga sanga sang partido sa kaumhan. Ginaabanse ang mga kampanya nga masa kaangot sang pangmasang edukasyon, pangpublikong ikaayong lawas kag katinluan, pagpangapin sa kaugalingon, pagpang-areglo sang mga away kag kauswagan nga pangkultura. Ang kaumhan itinatransforma nga kuta sang rebolusyon sa pulitika, militar kag kultura.

Padulong sa pagsolbar sang problema sa duta, ginapatuman ang minimum nga programa sa reporma sa duta nga pagpanubo sa arkila, pagkontrol sa porsyento sang interes sa pautang, pagpasaka sang sweldo sang

mamumugon sa uma, pagpaayo sang presyo halin sa talamnan (*farm-gate price*) sang mga produkto sang mga mangunguma kag pagpauswag sang produkyon. Kadungan sini, ang mga despotiko nga agalon nga mayduta kag manuglanggrab nabalabagan. May dalayawon nga mga kaso sang kumpiskasyon sang duta halin sa mga despotiko nga agalon nga mayduta. Kag ang mga duta nga daan nga inagaw sang manuglanggrab nabalik sa mga matuod nga tag-iya. Ang ultimong katuyuan para sa kapuslanan sang tanan nga wala sang duta nga mangunguma ang wala bayad kag alalangay nga pagpanagtak sang duta sa ila sa maksimum nga programa sang reforma sa duta.

Ang Pambansang Demokratikong Prente ang alyansa sang mga progresibong pwersa sang masa nga anakbalhas kag petiburgesya sang kasyudaran. Sa kabilugan, bukas ini sa pormal kag indi-pormal nga mga alyansa sa iban pa nga mga hubon, nga mga pwersa kag elemento sang tunga nga burgesya, sang mga reaksyunaryo batuk sa komon nga kaaway kag mga kahublagan para sa pagdesisyon-sa-kaugalingon sa kubay sang mga minorya sa pungsod. Ang kabug-usan nga pagpakig-alyansa sang NDFP sa Moro Islamic Liberation Front may daku nga kamalahalon kag ibunga nga resulta sa armado nga paghimakas batuk sa komon nga kaaway.

Ang ligal nga kahublagan nga masa mapagsik nga dumaluyong subong nga tuig. Ang mga unyon sang mga mamumugon kag mga organisasyon nga masa sang mangunguma, mangingisda, imol sa syudad, kaba-bainhan, pamatan-on, tumuluo sang relihiyoso, manunudlo, mamumugon sa ikaayong lawas, abugado kag iban pa nga propesyunal naglunsad sang mga protesta base sa mga multisektoral kag sektoral nga isyu. Ang multisektoral kag sektoral nga mga ligal nga

alyansa sang mga progresibo nga pwersa nagpaka sang nagapadaku nga ikasarang sa paghiwat sang pungsudnon kag lokal nga aksyong masa, nga independiente sa mga pwersa nga reaksyunaryo nga kontra-Estrada kag imponon sila agud ihamulag ang rehimeng US-Estrada.

Ang rehimeng US-Estrada wala sang sasantusin agud magamit ang mga kagamitan sa pamumwersa sang estado agud lupigon ang armado nga rebolusyonaryo nga kahublagan kag ang ligal nga demokratiko nga

kahublagan sa katuyuan nga ibuyagyag ang bilog nga pungsod para sa pagpanghimulos sang mga imperyalista kag sang makitid nga nagahari nga grupo. Gani dapat mangin mapag-on, mapagbantay kag militante ang pumuluyo sa pagpamatuk sa ila.

Dapat pasingkion ang inaway banwa. Dapat mag-angkon sang mga basehan nga taktikal nga opensibang nakatuon sa pagpataas sang armado nga kusog sang rebolusyonaryo nga kahublagan. Dapat mag-angkon man sang mga espesyal nga taktikal nga opensiba nga nakatuon sa pagpina sa pinakamasupog nga mga traitor, mga nagalapas sa mga kinamatarung nga pang-tawo kag mga kawatan kag ipakita ang mga manugpigos kag mapanghimulos indi makaluwas sa silot bisan diin sila.

Ang Partido nagasunod sa prinsipyong pang-organisasyon sang demokratiko nga sentralismo sa pagsakdag sang linya sang sentralisado nga pagpamuno sa basehan sang demokrasya kag demokrasya sa idalum sang ubay sang sentralisadong pagpamuno kag sa pagpamatuk sa burukratismo kag liberalismo. Napabakud sini ang kaugalingon paagi sa madalum nga pag-ugat sa kubay sang masa nga anakbalhas kag pagrekulta sang mga katapu sang Partido halin sa kubay sang mga abanse nga aktibistang masa.

Nagdaku ang isip sang mga katapu sang Partido umpsa sadtong Ikaduha nga Dungganon nga Kahublagan sa Pagpanadlong. Pinaka-malahalon, ang ila kalidad bangud sa edukasyon sa Marxism-Leninism-Maoismo kag bangud sa pagpapino sang hilikuton pangmasa. May signipikante nga bilang sang mga kadre kag aktibista halin sa kubay sang mga mamu-mugon kag nakatuon nga pamatan-on ang ipinadala sa kaumhan agud magserbi sa hangaway sang banwa kag sa masa nga mangunguma.

Ginatukod ang mga sanga sang Partido sa mga pabrika, linya sang transportasyon, mga komunidad sang mga imol sa syudad, reaksyunaryo nga mga institusyon kag sa mga asyenda kag sa mga baryo. Ang proporsyon sang katapu sang Partido halin sa kubay sang mamumugon madasig nga nagadaku. Subong man ang proporsyon sang halin sa mangunguma.

Ang Partido mabaskog kag nagadaku kay nakuha sini sa iya kubay ang mga rebisyunita, likidasyunista kag

mga indi magtadlong nga mga oportunista sang Tuo kag “Walang” klase, upod ang mga sentrista. Ang mga oportunista nga ini nagpangibabaw sa mga organo kag yunit bilang mga burukratang sentralista sa ilang organisasyunal nga sakop kag bilang mga ultrademokrata, liberal kag anarkista sa ilang relasyon sa mas mataas nga organo.

Agud mapamunuan sang Partido ang bag-o nga demokratiko nga rebolusyon tubtob sa lubos nga kadalag-an, kinahanglan pa naton ang mas madamo pa nga katapu sangsa pila ka napulo ka libo nga may ara kita subong. Kinahanglan naton ang indi kulangon sa ginatos nga libo. Agud magpadulong sa subong sini nga direksyon, dapat mag-angkon kita sang pana-panahon nga pang-organisasyon kag pang-edukasyon nga plano sa diin sistematiko kita nga makapagrekulta sang mga kandidato nga katapu sang Partido halin sa kubay sang mga abanse nga aktibistang masa.

Ang panawagan makahas nga magrekulta sang katapu sang Partido nga wala nagapasulod sang isa nga indi luyag sa buot. Tanan nga tampad kag aktibo nga mga aktibistang masa nga nakahanda nga magbaton sa Konstitusyon kag Programa sang Partido pwede reklutahin bilang kandidatong katapu sang Partido. Sa sulod sang ginatalana nga panahon sa Konstitusyon sang Partido, ang mga kandidatong katapu dapat ipasaka sa pagka lubos nga katapu pagkatapos makuha ang basehan nga kurso sang Partido kag pagtuman sa pagtilaw nga hilikuton.

Sa espiritu sang proletaryo nga internasyunalismo kag malapad nga kontra-imperialistang pagpakighiliusa, ang Partido Komunista ng Pilipinas nagapamuno kag nagsulong sang rebolusyon nga Pilipino. Dapat magkaisa ang mga mamumugon kag pigos nga mga pumuluyo agud pukanon ang imperialismo kag tanan nga reaksyon kag agumon ang pungsudnon kag pangkatilingban nga kahilwayan.

Ginpamatud-an sang kasaysaysan nga ang sosyalismo pwede itukod kag tukuron sang isa ka pungsod nga sunod sa iban pa. Pero sa pag-agom sang ultimo nga katuyuan sang komunismo, dapat anay nga lutuson sang rebolusyonaryo nga proletaryado kag pumuluyo ang imperialismo sa pangkalibutanon nga sakop. Bag-o agumon ang pangkalibutanon nga kadalag-an, ang nagahari nga proletaryado kag pumuluyo sa sosyalistang mga pungsod dapat makibato sa rebisyunismo kag balabagan ang pagbalik sang kapitalismo kag dugang

pa nga konsolidahan ang sosyalismo.

Nagapadayon ang panahon sang imperyalismo kag proletaryo nga rebolusyon. Magakinahanglan sang isa ka bug-os nga istorikong panahon agud agumon ang pangkalibutanon nga pagka-perde sang imperyalismo kag ang pangkalibutanon nga kadalag-an sang sosyalismo. Tanan nga mga matuod nga komunista, halin sa isa ka henerasyon pakadto sa mga madason nga henerasyon, nakahanda nga maglunsar sang rebolusyonaryo nga paghimakas sa ano man nga kadugayon sang panahon agud agumon ang kadalag-an sang sosyalismo sa serye sang mga pungsod tubtob sa lab-uton ang ultimong katuyuan nga komunismo.

Pat-ud nga sa mga una nga dekada sang maabot nga siglo magaangkon sang nagaharahara nga mga inaway banwa kag malapad nga kahublagan nga kontra-imperialista nga wala sang katupong sa pangkalibutanon nga sakop. Ang mga kahublagan nga sosyalista kag kontra-imperialista pat-ud nga liwat nga magamadlos. Magaangkon sang mga dalagku nga inaway sa tuman nga makasaysayan nga banggianay sa tunga sang proletaryado kag pumuluyo sang kalibutan sa isa ka bahin kag imperialismo kag reaksyon sa pihak nga bahin. Ginaliwat namon agud maitum-ok, nga magaangkon sang dugang nga mga dalagku nga rebolusyonaryo nga mga kadalag-an sa ika-21 siglo sangsa sa patapos nga siglo.

Tanan nga mga matuod nga komunista nagasalig nga kon tion nga ang proletaryado kag pumuluyo liwat nga magatukod sang mga sosyalistang katilingban sa maabot nga siglo, pagagamiton nila ang mga leksyon nga natunan halin sa aktwal nga pag-uli sang kapitalismo sang mga rebisyunista kag sa napamatud-an nga mga tudlo ni Kaupod nga Mao sa kinahanglanon sang mga serye sang rebolusyon nga pangkultura sa idalum sang diktadura sang proletaryado agud pamatukan ang rebisyunismo, balabagan ang pag-uli sang kapitalismo kag konsolidahan ang sosyalismo tubtob sa pangkalibutanon nga pagkareperde sang imperialismo nga magakadto sa katumanan sang komunismo. AB

### Mabuhay ang Partido Komunista ng Pilipinas!

Pukanon ang imperialismo, rebisyunismo kag tanan  
nga reaksyon!

Mabuhay ang proletaryo nga internasyunalismo!